

18 AUG 1997

DR MAHATHIR MULAKAN LAWATAN RASMI KE SARAWAK

MIRI, 18 Ogos (Bernama) -- Hampir 2,000 rakyat tempatan menyambut ketibaan Datuk Seri Dr Mahathir Mohamad yang tiba di sini untuk lawatan dua hari ke Sarawak.

Perdana Menteri dan isteri Datin Seri Dr Siti Hasmah Mohd Ali tiba kira-kira pukul 9.45 pagi dengan pesawat eksekutif Tentera Udara Diraja Malaysia (TUDM) dari Kota Kinabalu. Beliau sebelum ini melakukan lawatan di Sabah selama dua hari.

Ketua Menteri Tan Sri Haji Abdul Taib Mahmud mengetuai barisan anggota kabinet negeri, wakil anggota parti komponen Barisan Nasional dan penduduk sini yang berada di lapangan terbang untuk menyambut beliau.

Sejurus tiba, Dr Mahathir menuju ke Dewan Suarah untuk melakukan upacara pecah tanah bagi pembinaan perpustakaan baru Miri dan "Miri City Fan" sebahagian lagi projek rekreasi untuk mengindahkan bandar ini.

Petang ini, Perdana Menteri akan berlepas ke Kuching melawat tapak projek perumahan di kawasan perindustrian Demak Laut dekat sini dan menghadiri taklimat bagi projek pelabuhan perairan dalam yang sedang dalam pembinaan di Senari.

Malam ini, Dr Mahathir akan menjadi tetamu khas pada majlis makan malam semua kaum yang diadakan di Dewan Santapan, Kompleks Dewan Undangan Negeri.

-- BERNAMA

MT RON